


1 4
1548
3



14
1548
3

同治

壬申

江西其州李無邪方伯焯焯續示余
治尚廉靜卒構假豐鬱鬱實生錢給鍊

丙
焯
案

通喜齋
雕版

昭和十八年
十月二十八日
拜奉

孫嘉祿輯

丙子秋

同治壬申

頌閣學使歸自江西持其鄉李無齋方伯炳燭編示余則方伯之孫用光所手輯者方伯為錢宮詹弟子學有師法中歲服官治尚廉靜卒構瑕豐鬱鬱實生錢給諫記事彙述黃亮國言至今讀之且為太息某氏集中猶撫游談以重誣之所學殊途積毀必及固如斯乎炳燭編凡四帙為目至錄文率未竟蓋初彙之俟更定者故世不克見庚辛之交寇擾東南故家篇簡半遭劫火賴有文孫聞關危難保此遺書學使能先民是程不忘恭敬尤足多也因與同志商訂違合刪并排類釐成四卷以付手民九京可作庶無憾已同治十一年正月吳縣

潘祖蔭

是書蔭先屬陳培之農部倬編定繼又屬胡甘伯農部澍趙撫未大令之謙悉心校正繕清本者徐棣華上舍鄂助刻貲者李若農學士文田吳廣葦刺史承潞鄒齋先生之孫用光用賓用中實能寶守是書皆可紀也同治壬申四月刻成又識

炳燭編卷一

嘉定李賡芸

利建侯

晉語公子親筮之曰尚有晉國得貞屯悔豫筮史占之皆曰不吉閉而不通爻無爲也司空季子曰吉是在周易皆利建侯我命筮曰尚有晉國筮告我曰利建侯得國之務也吉孰大焉震車也坎水也坤土也屯厚也豫樂也車班外內順以訓之泉原以資之土厚而樂其實不有晉國何以當之震雷也車也坎勞也水也衆也主雷與車而尚水與衆車有震武衆順文也文武具厚之

至也故曰屯主震雷長也故曰元衆而順嘉也故曰亨
內有震雷故曰利貞車上水下必伯小事不濟壅也故
曰勿用有攸往一夫之行也衆順而有武威故曰利建
侯坤母也震長男也母老子彊故曰豫居樂出威之
謂也是二者得國之卦也按此古誼也左昭七年傳史
朝所稱元亨又何疑焉此雖出於一時之迎合然所云
其繇曰利建侯嗣吉何建建非嗣也則亦正訓

磐桓利居貞

武氏億經讀攷異據魏志管甯傳盤桓利居謂貞字不
與居連文按唐范傳正李白新墓碑悅謝家青山有終
焉之志盤桓利居竟卒於此亦以利居爲句但漢張表
碑畔桓利貞後漢書馬融傳論云將有意於居貞乎則
又利居貞連讀也磐字說文所無文選王粲登樓賦注
李密陳情表注引易皆作盤陸機演連珠引作槃傅毅
舞賦般桓不發則用省文張表碑作畔俗字

屯如遭如

說文無遭字馬部驢下引易乘馬驢如乃屯如驢如之
誤又走部有趨字疑遭如本作趨如走字形相涉而
誤

卽鹿

李鼎祚集解載虞翻注及應劭風俗通皆以鹿為山足
作麓正字作鹿古省春秋僖十四年沙鹿崩亦省麓作
鹿也魏志王粲傳易稱即鹿無虞諺有掩目捕雀文選
左思魏都賦即鹿縱而匪禁淮南繆稱訓高誘注云鹿
以諭民則皆以為麋鹿之鹿

有孚盈缶

後漢書魯恭傳引易云言甘雨滿我之缶誠未有它而
吉已此古誼

三驅

比卦王用三驅失前禽邑人不誠鄭康成注驅禽而射

之三則已發軍禮也失前禽者謂禽在前來句不逐而
射之句傍去又不射唯背去者順而射之不中則已虞
翻注則以為驅下三陰與鄭誼不同漢書揚雄傳非堯
舜湯文王三驅之意也顏師古注云三驅古射獵之等
一曰籩豆二為賓客三為充君之庖小顏用馬融誼見
釋文非也禮記王制云諸侯無事則歲三田一為籩豆
二為賓客三為充君之庖三田非三驅也

幽人

惠徵君棟周易古義據虞翻注謂訟時二在坎獄中故
稱幽人即荀卿子所云公侯失禮則幽案後漢書逸民

傳序光武側席幽人荀爽傳論何爲違貞吉而履虎尾
李固傳是以巖穴幽人智術之士彈冠振衣未欲爲用
李恂傳論任棠姜岐結甕牖而辭三命殆漢陽之幽人
乎魏志管甯傳明帝詔曰甯違命不至盤桓利居高尙
其事雖有素履幽人之貞而失考父茲恭之義此皆曰
高士爲幽人要亦漢儒之說也

无平不陂

王逸注楚辭修繩墨而不頗唐明皇詔改鴻範無頗爲
無陂未能引以爲據也按頗陂皆从皮聲觀王注二字
古本通用

帝乙

乾鑿度以爲成湯虞翻以爲紂父按左哀九年傳晉趙
鞅欲伐宋以救鄭陽貨以周易筮之遇泰之需曰宋方
吉不可與也微子啟帝乙之元子也祉祿也若帝乙之
元子歸妹而有吉祿我安得吉焉此古誼

公用亨于天子

左僖二十五年傳晉文公筮遇大有之睽曰吉遇公用
亨于天子之卦戰克而王饗吉孰大焉按此古訓也古
人亨享同字亨通之亨亦作享聘享之亨亦作亨唐初
猶然釋文亨許庚反通也衆家並香兩反是陸元朗不

能折中於左傳也

而天下隨時隨時之義大矣哉

文選干寶晉紀論各因其運而天下隨時隨時之義大矣哉潘岳籍田賦注秋興賦注王少頭陀寺碑注所引皆同後漢書崔駰傳隨時之宜隋書經籍志云隨時之義深矣按古本當如是王肅本作而天下隨之隨之時義大矣哉不可從

幹蠱

虞翻注謂泰乾爲父坤爲事李鼎祚謂以柔巽之質幹父之事能承先軌堪其任者也蓋序卦傳本云蠱者事

也幹父之蠱猶言子之克家也顏氏家訓治家篇婦主中饋惟事酒食衣服之禮耳國不可使預政家不可使幹蠱唐大詔令載寶應二年李光弼實封一子官制云功崇望重加以報章德厚流光延其茂賞爰益苴茅之典並明幹蠱之才此皆幹蠱之古訓周輝清波雜志輝自四十以後凡有行役雖數日程道路倥偬之際亦有日記以先人晚苦重聽如幹蠱次序旅泊淹速親舊安否書之特詳用代縷縷之問樓鑰攻媿集承奉郎致仕李君墓志銘長子侑尤善幹蠱奉親有稱用幹蠱字猶存古義惟漢書五行志京房易傳曰幹父之蠱有子考

无咎子三年不改父道思慕不皇亦重見先人之非解
經似微異然韋昭注亦曰幹蠱事也今解幹蠱爲能蓋
父之愆如舜於瞽瞍禹於鯀能正父之事是爲有子故
考不爲咎累似本京氏說而又稍異非古誼也

噬膚滅鼻

漢書董賢傳有司致法將軍請獄治朕惟噬膚之恩未
忍注孟康曰噬膚滅鼻噬食也膚喻爵恩澤加之不忍
誅也師古曰孟說非也噬膚者言自齧其肌膚詔所云
云爲明是恭后之親有肌膚之愛是以不忍加法故引
噬膚之言也按既云噬膚之恩則孟說爲是

虎視眈眈

集解作虎眈周禮眈眈鄭康成注眈讀爲虎眈之眈漢
竹邑侯相張壽碑虎視覩覩即眈之異文

藉用白茅

漢書淮陽憲王傳春秋之義大能變改易曰藉用白茅
无咎言臣子之道改過自新絜己以承上然後免於咎
也此古誼

黃離

唐大詔令開元三年正月冊郢王爲太子文云書不云
乎一人元良萬邦以貞易不云乎黃離元吉得中道也

按此以離二爻為太子之象攷鄭康成注謂文王之子發且唐人似本鄭注然鄭兼及周公則亦非專指天子之太子也

遯

釋文字又作遯按漢書匈奴傳遯逃竄伏敘傳攜手遯秦諸遯字從辵從豕按皆當作遯從月從豕蓋遯月字加豕上非豕字也艮卦夤字即贖字亦遯月字於上非夤敬之夤

晉

釋文晉孟喜作齊子西反義同王通政引之曰字與躋

同詩聖敬日躋箋釋為其聖敬之德日進是躋為進也鄉射禮措三而挾一个劉昌宗又音厝為祖雞反蓋義既同音亦相轉也按此二字之聲相轉與夤之為斯震之為祇一例

明夷初爻

左昭五年傳卜楚丘曰明夷日也日之數十故有十時亦當十位自王已下其二為公其三為卿日上其中食日為二旦日為三明夷之謙明而未融其當旦乎日之謙當鳥故曰明夷于飛明而未融故曰垂其翼象日之動故曰君子于行當三在旦故曰三日不食離火也艮

山也離為火火焚山山敗於人為言敗言為讒故曰有
彼往主人有言言必讒也此古誼

旅上九

漢書孝成許皇后傳易曰鳥焚其巢旅人先笑後號咷
喪牛于易凶言王者處民上如鳥之處巢也不顧恤百
姓百姓畔而去之若鳥之自焚也雖先快意說笑其後
必號而無及也百姓喪其君若牛亡其毛也故稱凶此
古誼

渙其羣

呂氏春秋召類篇說此爻曰渙者賢也羣者眾也元者

吉之始也渙其羣元吉者其佐多賢也此古誼

大人造也

釋文大人造也劉歆父子作聚也按漢書劉向傳賢人
在上位則引其類而聚之於朝易曰飛龍在天大人聚
也在下位則思與其類俱進易曰拔茅茹以其彙征吉
此釋文所本也造聚聲相轉

文言

左襄九年傳穆姜始往東宮而筮之遇艮之八姜曰是
於周易曰隨元亨利貞无咎元體之長也亨嘉之會也
利義之和也貞事之幹也體仁足以長人嘉德足以合

禮利物足以和義貞固足以幹事按此在孔子前古來相傳元亨利貞之詁訓也孔子文言卽本此體之長作善之長嘉德作嘉會

蓋言順也

順卽馴致其道之馴古馴順皆從𠂔故通太元干次六幹於天貞馴測曰幹干之貞順可保也是其例春秋籒露基義篇引易曰履霜堅冰蓋言遜也遜與馴亦通尙書五品不遜史記作馴又通作訓漢書韋賢傳五品以訓帝堯碑五品用訓

需于沙衍在中也

周易古義引穆天子傳謂沙衍連文非也此爻詞無衍字穆天子傳晉時僞書亦不足以證易故其著周易述仍讀需于沙爲句

剛健篤實輝光日新其德

先師錢詹事荅問及王通政經義述聞皆從鄭讀以輝光日新爲句徵引甚詳按漢書王吉傳訢訢焉發憤忘食日新厥德又王莽傳疊疊翼翼日新其德則古亦讀日新其德爲句與王弼同

掛

繫辭上傳故再劫而後掛釋文京作卦按乾鑿度說文

所引同集解載虞注之成一變則布卦之一爻布掛亦布卦之誤也

圓而神

經典方圓字皆作圓無作圓者禮記曲禮正義引圓而神此必古本不知何時改作圓

豕

惠學士士奇禮說肆全也周禮小胥云全爲肆肆古文作豕易有豕爻象此豕者全體析之成爻豕卽豕惠徵君云豕當作豕卽豕之省文肆之古文也全爲肆析而爲爻爻卽古文肴所謂遠取諸物也豕豕走也與易豕

字無涉此說聞之江徵士聲江爲惠徵士傳經高弟也

震爲車

說卦傳坤爲大輿而晉語載司空季子之論筮屢稱震爲車九家易象及張編修惠言虞氏義所集逸象皆未之及按易爻之言車者十有二而小畜之三車脫輓大有之二大車以載賁之初舍車而徒剝之上君子得輿大畜之二車脫輓三日閑輿衛大壯之四壯于大輿之腹睽之三見輿曳上載鬼一車解之三負且乘困之四困于金車旣濟之初曳其輪虞仲翔皆以坤爲車當之大壯爲乾下震上之卦解爲坎下震上之卦此二卦之

輿及乘疑亦取象于震

八

晉語貞屯悔豫皆八韋昭注震在屯為貞在豫為悔八謂震兩陰爻在貞在悔皆不動故曰皆八謂爻無為也然則八者六爻皆不變也晉語又云得泰之八左襄九年傳遇艮之八同

文思安安

後漢書馮衍傳思唐虞之宴宴第五倫傳陳寵傳章懷太子注並引攷靈曜作文寒宴宴左傳安孺子史記齊世家漢書古今人表俱作宴安宴古聲同也今台州府

黃巖縣人讀安如焉又按說文寒實也引虞書曰剛而寒寒聲轉為思

朕虞

朕虞官名汝作朕虞與汝作司徒汝作士汝作秩宗句法一例漢書地理志秦之先曰伯益出自帝顓頊堯時助禹治水為朕虞此其證是以王莽仿之更水衡都尉曰子虞見莽傳

分北三苗

吳志虞翻傳注引作分北三苗按說文正作北後儒罕見北遂譌為北

夏擊鳴球

漢書揚雄傳拈隔鳴球掉八列之舞按拈隔必夏擊之
異文漢儒傳經本各不同

仲虺

史記殷本紀作仲鬻鬻不成字當作鬻

逃矣西土之人

北齊書顏之推傳邊西土之有眾此用牧誓文而逃作
邊按說文逃遠也古文作邊顏介所用當是古本釋文
未之及古逃易同聲

睿作聖

洪範思曰容容作聖西漢人讀皆然鄭康成始破容爲
睿晚出古文因之劉向說苑君道篇尹文對齊宣王曰
人君之事無爲而能容下大道容衆大德容下聖人寡
爲而天下理矣書曰容作聖先師錢詹事論此字最詳
偶未及此又太元數事思用睿撫聖此睿字亦後人所
改

敬用五事

漢書藝文志引次二曰羞用五事言進用五事以順五
行也五行志孔光傳並引作羞以進訓羞不得謂葑之
誤矣當是羞譌爲葑葑改爲敬耳

東

東為四方之一舉一東字不可以為地名然尚書金縢
 周公居東逸周書作維解建管叔於東建蔡叔霍叔於
 殷又云三叔及殷東徐奄及熊盈以略此畔字又云俾
 康叔宇於殷俾中旄父宇於東列子楊朱篇周公居東
 三年幽風東山我來自東我東曰歸小雅車攻駕言徂
 東凡此諸東字則直以為地名矣蓋當是俗語稱殷之
 東為東而簡策文字因之

孟侯

呂氏春秋正名篇齊潛王周室之孟侯也與此孟侯誼

同

鶴鳴于九皋

太元上次五鳴鶴升自深澤范望注詩云鶴鳴九皋聲
 聞于天按據此九皋當作九澤說文皋古文以為澤字
 毛詩必本作皋字與皋相似因而致譌九皋上無于字
 錢詹事養新錄詳引諸書而未及范注

慘

陳風月出勞心慘兮小雅正月憂心慘慘大雅抑我心
 慘慘此三句慘字叶韻皆當作燥臬漢隸作參邨閣頌
 從朝陽之平慘校官碑德之寶即有殊慘皆與參相亂

墨子耕柱篇一人奉水將灌之一人搯火將益之以搯為操也六書音均表于月出以為合韻于抑從五經文字作燥于正月畧之迄無定見

閻妻

漢書谷永傳昔褒姒用國宗周以喪閻妻驕扇日以不臧又云絕驕嫚之端抑褒閻之亂按褒閻並舉蓋閻為厲王時嬖寵之族也外戚傳哀褒閻之為郵

杼柚

方言土作謂杼木作為柚戴吉士震毛鄭詩攷正用以釋詩小雅大東杼柚其空謂役作於周而至窮空意似迂曲按太元掇棘木為杼削木為柚杼柚既施民得以煥亦指織事而言太元方言皆出子雲之手而杼柚之義不同

震霖

太元少上九密雨溟溟潤于枯瀆范注雨之細者稱溟沐按即震霖之異文也從冥之幘轉為入聲溟亦得轉為入聲震從脈而從脈之覩讀如蔑則脈震皆可讀如蔑也震今詩作霖俗人所改

鞞琫有珌

毛鄭詩攷正云瞻彼洛矣鞞琫有珌毛傳鞞容刀鞞也

琫上飾琕下飾琕下飾者天子玉琫而珧琕諸侯盪琫而璆琕大夫鐐琫而鏐琕士瑒琫而瑒琕按毛傳內六琕字皆當作鞞鞞琫有琕亦猶上鞞鞞有奭奭赤貌琕文飾貌說文云琕佩刀下飾所見毛詩與今本同遂取以解字有奭有琕猶奭然琕然刀下飾乃鞞也又作琕說文以為刀室殆誤會毛傳鞞容刀鞞也之語釋名云刀室曰削室口之飾曰琕下末之飾曰琕可以正說文又篤公劉鞞琫容刀毛傳下曰琕上曰琕以毛證毛此傳琕字皆傳寫致譌無疑按戴說是也左桓二年傳藻率鞞鞞杜注鞞佩刀削上飾鞞下飾玉篇亦云鞞琫容

刀上曰鞞下曰琕如以鞞為刀室琕為上飾琕為下飾形容刀之飾曰琕有琕亦不辭鞞字說文所無玉篇有之漢書王莽傳瑒琕瑒琕孟康曰瑒玉名也佩刀之飾上曰琕下曰琕詩曰鞞琕有琕是西漢已誤

卽有郤家室

呂氏春秋辨土篇高注引實穎實粟有郤家室無卽字南宋小字本說文郤下所引亦無卽字

既醉六章

周語羊舌肸曰其類維何室家之壺君子萬年永錫祚盾類也者不忝前哲之謂也壺也者廣裕民人之謂也

萬年也者令聞不忘之謂也祚胤也者子孫蕃育之謂也此古誼

昊天有成命

周語羊舌肸說詩曰昊天有成命頌之盛德也其詩云云是道成王之德也成王能明文昭能定武烈者也夫道成命者而稱昊天翼其上也二后受之讓有德也成王不敢康敬百姓也夙夜恭也基始也命信也宥寬也密甯也緝明也熙廣也亶厚也肆固也靖肅也其始也翼上德讓而敬百姓其中也恭儉信寬帥歸於甯其終也廣厚其心以固肅之始於德讓中於信寬終於固肅

故曰成此古誼

遂荒大東

郭璞爾雅注引詩遂幬大東與毛異蓋三家詩也按禮記投壺母幬母敖大戴禮作無荒無傲蓋荒與幬聲相近篆文無字從驟亡聲是相轉之理

蕭

周禮甸師祭祀共蕭茅鄭大夫注蕭或爲蕭蕭讀爲縮按說文作蕭正字左傳作縮周禮作蕭皆借字蕭從蕭聲亦可讀如蕭故蕭卽蕭之俗

蓋弓

攷工記蓋弓二十有八此車蓋之弓撩如今之織骨太
平御覽采入弓矢之弓部內大謬

席蠖

攷工記麋筋席蠖潘鄭注席蠖屈蟲也按席蠖即易傳
之尺蠖借席為尺也說文云尺蠖屈伸蟲爾雅釋蟲作
蚘蠖蚘俗字

築氏治氏錯簡

攷工記云攷金之工築氏執下齊治氏執上齊又曰四
分其金而錫居一謂之戈戟之齊五分其金而錫居二
謂之削殺矢之齊削與殺矢同齊也戈與戟同齊也乃

築氏為削不為殺矢而治氏為殺矢又為戈為戟是以
後鄭疑之注云殺矢與戈戟異齊而同其工似補脫誤
在此賡芸聞諸江徵士曰當云築氏為削長尺博尺合
六而成規欲新而無窮敝盡而無惡為殺矢為削治氏
當云為戈為戟則同齊同工異齊異工矣記有錯簡鄭
君偶未省耳

豫

鄉射禮豫則鉤楹內鄭注讀如成周宣榭災之榭周禮
作序凡屋無室曰榭宜從榭今文豫為序按豫序射聲
義相近敖繼公竟改經文作序妄也榭古作謝公羊宣

十六年傳作謝盛世佐集解以古文作豫為誤亦非豫序皆從子聲

農率

夏小正農率均田傳云率者循也玉海讀率為帥以農率為農官田畷之類不知何本

雪澤

農及雪澤傳云言雪澤之無高下也讀澤如字管子乘馬篇正月令農始作服於公田農耕及雪釋

納卯蒜

納卯蒜臧氏琳經義雜記以為經傳祭品不用蒜疑當

為納卯非按蒜如卯故謂之卯非本似不可謂之卯

忿懣

武王踐阼篇杖之銘曰惡乎危于忿懣盧辯注忿者危之道怒甲及乙又危之甚按此即忿懣之誼所謂遷怒也說文無懣字當以懣為正

月生于西

誥志篇月歸于東起明于西法言月未望則載魄于西既望則終魄于東太元中次六月闕其博不如開于西按此皆月生于西之誼也

欲不可從

曲禮欲不可從單行本釋文欲如字從足用反放縱也
按明南監注疏本所載釋文云欲如字一音喻是單行
本有脫文東大元中穴六貝闕其射不岐開于西
不離禽獸東賦開于西言貝未望開輝開于西
釋文盧本作走獸淮南汜論訓高注與盧同

姑息

呂氏春秋先識覽商王大亂沈於酒德辟遠箕子近姑
與息尸子棄黎老之言用姑息之謀說與小戴異音
行并植於晉國

國語晉語作行廉直於晉國

附庸

王制名山大川不以封其餘以為附庸閒田孟子萬章
篇不能五十里者不達於天子附於諸侯曰附庸庸墉
之省文漢書王莽傳當賜爵關內侯者更名附城

有遺音者矣 有遺味者矣

呂氏春秋適音篇有進乎音者矣有進乎味者也似比
遺音遺味之誼為長莊子養生主篇進乎伎矣句法正
同

軌

中庸車同軌孟子盡心篇城門之軌攷工記涂度以軌

經涂九軌環涂七軌野涂五軌曲禮驅塵不出軌軌謂之徹徹長六尺攷工記應門二徹參个左昭十二年傳昔穆王欲肆其心周行天下將皆必有車徹馬迹焉莊子車徹中有鮒魚焉此所謂徹卽軌蓋車兩輪踐地相距之數也詩匏有苦葉濟盈不濡軌禮記少儀祭左右軌乃指軸末之害害謂之軌與軌徹之軌文同義異

湯之盤

此猶大戴禮武王踐阼篇于盥槃爲銘也禮記內則少者奉槃長者奉水請沃盥盥卒授巾左僖二十三年傳奉匱沃盥盤有流故謂之匱湯之盤或以盥或以沐或

以沫而總非浴之具鄭注祇云刻戒於盤疏乃云沐浴之盤耳謂沐是謂浴則非也

聽訟吾猶人也

大學釋文出吾聽訟猶人也云論語作聽訟吾猶人也知禮記本不與論語同後人相習亂之

發

左隱六年傳芟夷蕞崇之杜注芟刈也按說文引作芟日以足蹋夷艸此古文也後人跣見發字廼改爲芟

諱名

左桓六年傳周人以諱事神名終將諱之按諱始於周

然諱死而不諱生祖父存者其名不諱亦不可諱也

丙之晨

左僖五年傳丙之晨漢書律秣志作丙子之晨按如此則童謡八句皆四言然晉語五行志皆無子字

鸛鵒

春秋昭二十五年有鸛鵒來巢公羊作鸛鵒穀梁作鸛鵒釋文云本又作鸛按權瞿聲轉然驪乃爾雅驪專畜蹂之驪不得爲鸛鵒字蓋瞿翟形近而譌說文淮南原道皆作鸛鵒蓋說文收鸛字重文偶不收鸛字不得謂鸛爲俗攷工記鸛鵒不踰濟史記漢書引左傳及王充

論衡偶會篇鸛鵒之占當應魯昭之惡適成皆作鸛從瞿

左傳脫文

左氏多脫文按襄廿一年傳初叔向之母妬叔虎之母美而不使按唐開成石經作而不使視寢又按論衡言毒篇叔虎之母美叔向之母知之不使視寢又欒盈過於周石經作欒盈奔楚過於周昭八年傳石不能言或馮焉漢書五行志作石不能言神或馮焉說苑辨物篇作有神憑焉或與有古通昭廿六年傳晏子曰詩曰惟此文王小心翼翼昭事上帝聿懷多福厥德不回以受

方國君無違德方國將至論衡變虛篇作君無回德下文尚有若德回亂之語此必本之古本左傳

漢書引左傳

左桓十三年傳楚屈瑕伐羅鬪伯比送之還謂其御曰莫敖必敗舉趾高心不固矣遂見楚子曰必濟師按漢書五行志引趾作止遂作遽又如能者養之以福遠哉摇摇之類皆勝今本

穀明

晉語秦醫和曰物莫嘉於穀故食穀者晝選男德以象穀明注擇有德者而親近之以象人食穀而聰明按此猶大戴禮易本命所謂食稻者知慧而巧也

后庸

吳語后庸宋庠補音作舌庸云舌如字內傳作后字非按唐儀鳳三年李萬通造彌勒像記有天皇天后后字書作石與舌相亂廣韻于舌字后字皆云姓下引少府后倉竊意作后庸為長

係馬舌

吳語吳王夜中乃令服兵擐甲係馬舌出火竈注係縛也縛馬舌恐有聲也按馬舌非可縛者此即銜枚耳

賢賢易色

漢書李尋傳尋上封事云書云天聰明蓋言紫宮極樞
通位帝紀太微四門廣開大道五經六緯尊術顯士翼
舒張布燭臨四海少微處士爲比爲輔故次帝廷女官
在後聖人承天賢賢易色取法於此顏師古注云賢賢
尊上賢人易色輕畧於色不貴之也按此以賢賢爲一
事易色爲一事斯爲古誼

五十有五而志于學三十而立

漢書食貨志八歲入小學學六甲五方書計之事始知
家室長幼之節十五入大學學先聖禮樂而知朝廷君
臣之禮藝文志古之學者耕且養三年而通一藝存其

大體玩經文而已是故用日少而畜德多三十而五經
立也鹽鐵論未通篇古者十五入太學與小役按此卽
十有五志于學三十而立之說也

不踰矩

後漢書班固傳故司空掾施梁宿儒盛名德冠州里七
十從心行不踰矩按此用論語而增一行字其意乃足

子游問孝節

包咸注云一曰人之所養乃至於犬馬不敬則無以別
孟子曰食而不愛豕交之愛而不敬獸畜之此朱子集
註所本按禮記內則云父母之所愛亦愛之父母之所

敬亦敬之至於犬馬盡然而況於人乎又坊記云小人皆能養其親君子不敬何以辨正與論語相發明孔子之意蓋言今之孝者僅能養而不能敬能養者卽如親有犬馬人子亦必養之然祇是愛父母之所愛彼小人亦能之必敬父母而并敬父母之所敬斯與小人有別耳大戴禮曾子大孝篇曾子曰孝有三其下能養又曰養可能也敬爲難亦論語意也又鹽鐵論孝養篇文學曰善養者不必芻豢也噉菽飲水足以致其敬孔子曰今之孝者是謂能養不敬何以別乎意雖微異然亦與包注不同

舉善而教不能

古讀以舉善而教爲句風俗通汝南太守歐陽歛下教云蓋舉善以教則不能者勸後漢書卓茂傳舉善而教口無惡言三國志徐邈傳云舉善而教仲尼所美顧劭傳舉善以教風化大行陸績傳裴松之注云臣聞唐虞之政舉善而教

人而不仁節

漢書翟方進傳孔子曰人而不仁如禮何人而不仁如樂何言不仁之人無所施用此古誼

繪事後素

攷工記凡畫繪之事後素功注素白彩後布之謂其易
漬汚也鄭司農說以論語曰績事後素儀禮鄉射記云
凡畫者丹質古人畫法實是先施五采而施粉在後史
繩祖學齋佔畢孔子以後素而發明子夏以禮後而答
問其言亦是以素比禮按集註謂先以粉地爲質而後
施五采是將攷工記凡繪畫之事五字讀斷而解後素
功爲後於素非也

以約失之者鮮矣

約讀爲不仁者不可以久處約之約漢書外戚傳成帝
報許后曰傳不云乎以約失之者鮮審皇后欲從其奢

與朕亦當法孝武皇帝也師古曰論語載孔子之言謂
能行儉約而有過失之事如此者少也後漢書王龔傳
王暘曰魯公儀休在魯拔園葵去織婦孫叔敖相楚其
子披裘刈薪夫以約失之者鮮矣虞延傳太守富宗聞
延名召署功曹宗性奢靡延諫曰昔晏嬰輔齊鹿裘不
完季文子相魯妾不衣帛以約失之者鮮矣凡此當是
古來相承訓解

使驕且吝

逸周書寤敬解周公曰不驕不恡時乃無敵按此孔子
之言所本也恡俗字

慳慳而不信

呂氏春秋下賢篇空空乎其不爲巧故也高誘注空空慳也巧故詐僞按此卽論語慳慳而不信之誼慳俗字舜禹之有天下也而不與焉

漢書王莽傳太后不宜親省小事令太后下詔曰皇帝幼年朕且統政比加元服今衆事煩碎朕春秋高精氣不堪殆非所以安躬體而育養皇帝者也故選忠賢立四輔羣下勸職永以康甯孔子曰巍巍乎舜禹之有天下而不與焉自今以來惟封爵乃以聞他事安漢公四輔平決又別詔曰是以孔子見南子周公居攝蓋權時

也此皆古誼

麻冕

孔安國注以緇布冠釋麻冕非也按禮首服有冕有弁有冠其制不同周禮弁師掌王之五冕皆元冕朱裏延紐五采纁十有二就皆五采玉十有二玉笄朱紘蓋冕之爲制以木爲幹以元布衣其上故曰元冕以五采纁繩貫五采玉垂於延前後爲之邃延衮冕十二旒鷩冕九旒毳冕七旒希冕五旒元冕三旒至天子祭天大裘之冕無旒則不在五冕之數諸公旒九就以下諸侯以下遞殺一命之大夫冕而無旒士變冕爲爵弁弁服有

爵弁制畧同於冕惟無旒又為爵頭色耳冕者俛也低前一寸二分爵弁前後平故不得冕稱又有皮弁會五采玉璫象邸玉笄又有韋弁以韎韋為之若冠則以緇布儀禮士冠禮云缺項青組纓屬於缺緇纒廣長六尺是也蓋緇布冠始冠之冠凡士以上始冠冠之冠訖不復用惟庶人猶著之即詩都人士之緇撮禮記謂不韠委武元縞而後韠是也

固天縱之將聖

北宋以前皆訓將為大本爾雅釋詁文按舊唐書姚崇傳崇曰趙宣至賢也恨用其犬孔某將聖也不愛其羊惟論衡知實篇將者且也不言已聖言且聖者以為孔子聖未就也此集註所本

閭閻 侃侃

漢書公孫劉車等傳贊辯者聘其辭斷斷焉行行焉趙尹韓張兩王傳贊張敞行行履忠進言按斷斷即閭閻之異文行行即侃侃之異文

袵絺綌

禮記玉藻作振絺綌按說文袵重文作振玉藻振字疑振之誤

人不間於其父母昆弟之言

漢書杜鄴傳昔曾子問從令之義孔子曰是何言歟美
閔子騫守禮不苟從親所行無非理者故無可閒也此
古誼

魯衛之政兄弟也

漢書馮奉世傳野王立相代爲上郡太守歌之曰大馮
君小馮君兄弟繼踵相因循聰明賢知惠吏民政如魯
衛德化鈞周公康叔猶二君按此古訓也包注亦云周
公康叔旣爲兄弟康叔睦於周公其國之政亦如兄弟
怡怡

大戴禮曾子立事篇兄弟懽懽朋友切切懽懽卽怡怡

之異文

磴磴

今讀磴如鏗非也按說文磬古文作磴是磴磬同物磴
磴者禮記樂記所謂石聲磬是也

闕黨

漢書古今人表作厥黨厥闕皆從歛聲也說文蹶重文
作蹶

吾猶及史之闕文也

漢書藝文志古制書必同文不知則闕問諸故老至於
衰世是非無正人用其私故孔子曰吾猶及史之闕文

也今亡矣夫蓋傷其寢不正

植其杖而芸

俗解以植為植立之植按熹平石經作置置舍也書金
滕植璧秉珪鄭康成注云植古置字釋文徐仙民亦音
置史記賈生傳方正倒植倒植即倒置植與置皆從直
聲故兩字可互借論語之植其杖金滕之植璧借植為
置也詩商頌擗置我鞀鼓箎云置讀曰植為楹貫而樹
之韓非子安危篇韓詩外傳荀子非十二子篇皆云無
置錐之地借置為植也

無求備於一人

漢書東平王傳元帝賜王太后璽書云昔周公戒伯禽
曰故舊無大故則不棄也毋求備於一人按璽書前後
文義似毋求備即指不棄故舊之意顏師古注亦云言
人有小惡當思其善不可責以備行而即棄之耳

若大旱之望雲霓也

孟子趙岐注霓虹也雨則虹見故大雨而思見之按詩
朝濟于西崇朝其雨亦是虹見而雨曰望雲霓則雲霓
皆在所望之中集註謂雲合則雨虹見則止恐非經文
望字之意

贖

說文有賁無贐論衡刺孟篇引作歸賁文選魏都賦注
赭白馬賦注讌曲水詩注三引孟子行者亦必賁

狼戾

淮南覽冥訓孟嘗君爲之增欬歔咈流涕狼戾不可止
高注狼戾猶交橫按趙岐注孟子以狼戾爲狼藉似不
及高誘之說爲允

圭田

說文畦田五十畝也圭卽畦之省

殺伐用張

晚出古文作我伐用張按說文我從戈從手手一曰古

殺字然則我伐乃手伐之譌後儒罕見手也

涕出而女於吳

說苑權謀篇齊景公以其子妻閻廬送諸郊泣曰余死
不女見矣高夢子曰齊負海而縣山縱不能全收天下
誰干我君愛則勿行公曰余有齊國之固不能以令諸
侯又不聽是生亂也寡人聞之不能令則莫若從且夫
吳若蜂蠆然不棄毒于人則不靜余恐棄毒於我也按
此所載較孟子爲詳

孩提

趙注云知孩笑可提抱按顏氏家訓教子篇云生子咳

隄注一本作孩提丁度集韻隄曲黎切與嘒同謂孩子
嘒笑誼似較長

而何其血之流杵也

論衡語增篇引孟子曰吾於武成取二三策耳以至仁
伐不仁如何其血之浮杵也按古如而字通浮字之誼
似長於流又藝增篇恢國篇俱云武成篇言周伐紂血
流浮杵

逝往也

釋詁逝往也按呂氏春秋疑似篇其真子恐其父之不
能反也遂逝迎之高注同邵氏正義未引及

案

漢書刑志志此卿大夫采地之大者師古注爾雅曰采
寮官也按今釋詁作寮說文無寮字此涉寮字而加山
耳小顏引爾雅猶是古本

蠹沒

釋詁蠹沒勉也說文無蠹字乃蠹字之譌

裝駟也

當據釋文所載孫樊二本將且也詩邶風簡兮方將萬
舞小雅谷風將恐將懼鄭箋皆訓將為且即本雅訓論
衡知實篇亦曰將者且也

龜龜

釋魚龜龜蟾諸說文龜龜詹諸也詩曰得此龜龜蓋卽新臺得此戚施之異文龜從酋聲酋與戚雙聲故龜可轉作倉厯切龜從爾聲從爾之字如纏亦音式支切故亦得與施同音據說文龜卽龜之本字自爾雅龜譌爲龜陸德明卽音爲起據反非也又按龜乃龜字之譌龜本爾下著龜然亦可移爾於左如玉篇龜字亦作龜因此致譌耳

駒駉

釋馬駒駉馬野馬按說文駒駉北野之良馬爾雅邢疏引字林云駒駉北狄良馬也一日野馬則似爾雅以野馬二字釋駒駉馬或當是駒駉野馬而誤衍一馬字

騅

釋馬蒼白雜毛騅說文作蒼黑雜毛按史記有烏騅馬似蒼黑爲長

粉羊

釋豕羊牡粉牝牂是粉爲羊之牡者然元史太宗紀敕蒙古民有馬者輸牝馬一牛百者輸牝牛一羊百者輸粉羊一是又以粉爲牝羊

從羊一長又似從絲羊

崇古且育思香餽羊一羊百香餽

鞞羊出從羊鞞羊之羊香然示史太宗除

從羊

以蒼黑為其

鞞羊蒼白鞞手鞞領文非蒼黑鞞手

鞞

黑二字鞞鞞黑矩當具鞞鞞理思而結

巨字林云鞞鞞非水其思也一日理思

炳燭編卷二 羊部十一 羊回鞞

嘉定李賡崇

自古字通段舉例

古書字多通段隨舉數十條以見例間及省文藉資攷

訂

萊為綠 禮記大學萊竹猗猗說文同詩借綠字

寮為遼 吳楊君石門頌百遼咸從

遙為姚 荀子榮辱篇其功盛姚遠矣注姚與遙同漢

禮樂志雅聲遠姚

鷗為漚 列子黃帝篇海上之人有好漚鳥者注漚即



鷓鴣也

鄒為騶志孟子鄒與魯閔說文鄒魯縣古邾國漢書地

更理志後漢郡國志皆作騶史記吳世家為騶伐魯魯

更為庚 列子黃帝篇心庚念是非口庚言利害注庚

當作更

蝸為瓜 魏志楊沛傳起瓜牛廬止其中管甯傳焦先

自作二瓜牛廬裴松之注云瓜當作蝸先等作園舍

形如蝸牛蔽故謂之蝸牛廬

弒為試 漢石經公羊隱十一年何隱爾試也今本

弒少韻答林

效為肴 易繫辭上傳效法謂之坤蜀才作肴信文通

斂為奪 書呂刑奪攘矯虔說文作斂云彊取也

耄為眊 書呂刑耄荒漢書刑法志作眊荒

營為營 說文營惑也淮南鴻烈漢書皆假營為之

睨為倪 禮記禮運釋文倪視也爾雅釋魚左倪不類

右倪不若倪與睨同

戢為伐 詩秦風小戎蒙伐有苑釋文本又作戢

噫為窒 禮記月令民多勦噫淮南時則訓作勦窒

翔為祥 易豐天際翔也鄭王作祥

罽為緝 詩大雅板辭之緝矣說文作罽

韶為招 書益稷簫韶九成孟子梁惠王篇蓋徵招角

招是也漢禮樂志舜作招 詩小雅青蠅止於樊說文引作楸

楸為樊 詩小雅青蠅止於樊說文引作楸

卬為稽 書洪範七稽疑說文卬卬以問疑也讀與稽

卬同營 書洪範七稽疑說文卬卬以問疑也讀與稽

每為悔 洪範曰貞曰悔說文引作每

敕為策 論語策其馬說文云敕擊馬也

戲為杜 書費誓杜乃獲周禮雍氏注引作戲說文戲

閉也讀若杜

鞞為槃 易訟或錫之鞞帶釋文王肅本作槃

爪為蚤 禮記曲禮不蚤鬣注蚤讀為爪

卑為埤 易繫辭上傳天尊地卑釋文本又作埤

翕為脅 王莽傳動靜辟脅萬物生焉師古曰易上繫

之辭曰夫坤其動也闢其靜也翕是以廣生焉翕脅

聲相近義則同

眚為省 春秋肆大眚公羊作大省

洊為荐 易坎水洊至釋文干寶作荐

綱為亢 周禮馬質綱惡馬鄭司農云讀為其亢其讐

之亢書亦或為亢

鼓為賁 攷工記鞀人鼓四尺中圍加三之一謂之鼓

鼓詩大雅靈臺作賁

只為旨 詩樂只君子衡方碑作樂旨

苴為組 呂覽分職今民衣弊不補履決不組新序作

苴

鞞為物 呂覽別類篇白所以為堅也黃所以為物也

一為壹 儀禮士冠禮注古文壹皆作一

珣為宣 爾雅釋器璧大六寸謂之宣說文珣周書所

謂夷玉也一日玉器珣讀若宣

躡為顛 漢書貢禹傳誠恐一旦顛仆左傳杜回躡而

顛

保為葆 呂覽直諫篇葆申注葆太葆官也申名也說

苑正諫篇作保

是為氏 覲禮太史是右注是古文為氏曲禮是職方

注或為氏漢書地理志西河郡觥是縣說文作觥氏

又至元孫氏為莊公師古曰氏與是同張遷碑張是

輔漢

士為仕 禮記曲禮前有士師注士或為仕

中為衷 周語其君齊明衷正呂覽仲夏紀適音篇故

太鉅太小太清太濁皆非適也何謂適衷音之適也

何為衷大不出鈞重不過石小大輕重之中也黃鍾中之宮音之本也清濁之衷也衷也者適也

齶為筮 曲禮注犬齶齧人釋文本亦作筮

薄為竹 詩衛風淇澳綠竹猗猗韓詩作綠薄

茵為蟲 詩鄘風載馳言采其蟲傳蟲貝母說文作茵

置為植 論語植其杖漢石經作置

構為穀 說苑奉使篇秦楚穀兵

澧為醴 書禹貢又東至于澧史記夏本紀漢書地理

志皆作醴

絡為落 莊子秋水篇落馬首

瀉為澤 史記貨殖傳地瀉鹵河渠書漑澤鹵之地

弟為地 漢書丙吉傳西曹地忍之注李奇曰地猶弟

也師古曰地亦但也語聲之急耳

棧為剗 史記田叔傳谷口蜀剗道近山正義曰按行

谷有棧道也

娠為身 漢書高帝紀已有娠史記作身

胙為胙 荀子哀公篇君入廟門而右登自胙階注胙

與胙同

崇為柴 說文崇引虞書曰至于岱宗崇

嶽為桓 周禮大宗伯公執桓圭說文作嶽

璆為騏 詩曹風鳴鳩其弁伊騏箋騏當為璆

醺為熏 詩大雅鳧鷖公尸來止熏熏釋文熏說文作

醺

荷為荷 禹貢導荷澤史記作荷

淒為萋 詩小雅大田有滄萋萋說文作淒

璊為璊 詩王風大車毳衣如璊說文作璊

牯為剛 公羊駢牯明堂位作剛

車為居 禮記禮運以德為車注車或為居

輶為椽 說文輶蓋弓也淮南淑真訓作椽

輶為藩 說文輶車耳反出也左傳以藩車載樂盈即

此

眉為麋 儀禮少牢饋食禮眉壽萬年注古文眉作麋

士冠禮眉壽注古文作麋

黼為楚 詩曹風蜉蝣衣裳楚楚說文引作黼

舟為周 攷工記作舟以行水注故書作周鄭司農云

周當為舟

稭為期 說文稭引虞書曰稭三百有六旬

鈴為幹 周禮巾車鳴鈴以應雞人故注書鈴或為幹

杜子春云當為幹

聖為皇 周禮舞師教皇舞注故書或為聖

形為邢 侯成碑惟想邢景司馬季德碑消邢幽門孔
耽碑消邢瘦腊

靈為零 吳仲山碑神零有知洪适隸釋云以零為靈

霆為庭 朱龜碑威神庭電隸釋云以庭為霆

覘為沾 禮記檀弓噫母曰我喪也斯沾注沾讀為覘

視也

父為綏 詩衛風有狐綏綏齊詩作父父

第為昆 說文第周人謂兄曰第從弟從眾玉篇通作

昆

輪為倫 易說卦傳為弓輪姚信本作弓倫

蕭為淵 詩鞀鼓淵淵說文作淵

館為管 儀禮聘禮管人鄭注管猶館也

鞞為鬯 說文鞞弓衣也詩秦風虎鞞鏤膺交鞞二弓

鄭風太叔于田抑鬯弓忌

鞞為皇 爾雅釋艸皇華也說文引作鞞

鞞為坎 詩小雅坎坎鼓我說文引作鞞

默為墨 漢書李陵傳陵墨不應孰視而自循其髮

職為識 周禮職方氏漢華嶽碑作識方史記屈原傳

章書職墨兮楚詞作志墨志即識之古文

賚為理 書甘誓予其大賚女史記殷本紀作理

輯為揖 書舜典輯五瑞史記五帝紀作揖

迭為軼 漢書司馬相如傳迭興迭衰史記封禪書作

軼興軼衰

鋤為形 李斯傳噉土鋤秦始皇紀作形

飛為蜚 書序有飛雉升鼎耳而雒左氏僖十六年六

鷁退飛漢書五行志竝作蜚

狡為郊 太史記淮陰侯傳狡免死小司馬本吳越春秋

竝作郊

臙為禮 詩鄭風大叔于田禮褻暴虎說文引作臙云

肉臙也

柄為秉 史記天官書斗秉兼之

堙為抑 漢書溝洫志禹堙鴻水史記河渠書作禹抑

鴻水孟子禹抑洪水

正為延 史記河渠書延道弛兮離常流徐廣曰延一

作正漢書溝洫志作正封禪書正伯僑揚雄傳作征

案說文征或作延

孛為莠 史記齊太公世家莠星將出

胙為藉 史記商君列傳集解引新序論曰周官歸藉

索隱云藉音胙字合作胙

嫫為錄 史記平原君傳公等錄錄索隱曰說文云錄

錄隨從之貌案說文女部嫁隨從也

去為突 易離突如說文作去

亞為斗 說文亞酒器也詩大雅敦韋酌以大斗借斗

為亞

俎為苴 禮記禮運苴執注苴或為俎

銀為琅 說文銀鐺瑣也西域傳作琅當

鏃為遂 說文鏃陽鏃也周禮司烜氏作陽遂

斟為角 說文斟平斗斛也月令角斗甬鄭注角謂平

之

所為許 詩小雅伐木伐木許許說文引作所所

雪為隱 說文雪所依據也孟子莊子俱作隱几

溺為弱 書禹貢弱水既西說文作溺

驂為參 漢書張釋之傳上就車召釋之驂乘史記作

參

祥為羊 隸續載漢元嘉刀銘云宜侯王大吉羊

潭為覃 漢書楊雄傳而大潭思潭天師古曰潭深也

孔安國書序研精覃思

皇為王 洪範皇極書大傳史記竝作王極聘禮注古

文皇作王

增為曾 漢書司馬相如傳坐入曾宮之塞我文選思

子賦登閭鳳之曾城兮後漢書張衡傳作增

掖為夜 說苑建武篇今將軍東有掖邑之封齊策作

夜

蒼為倉 詩王風黍離悠悠蒼天釋文本亦作倉北海

相景君碑于何穹倉堯廟碑恩如浩倉月令駕倉龍

漢書禮樂志郊祀歌左倉龍

姻為因 詩小雅我行其野不思舊姻白虎通作因

徐為余 易來徐徐王肅作余余

瞻為詹 詩小雅采芣六日不詹傳詹同瞻史記周本

紀顧詹有河又云粵詹洛伊

滄為倉 漢書楊雄傳甘泉賦東燭倉海文選作滄

麤為牟 詩頌思文詒我來牟說文作來麤

修為攸 隸釋載張良碑令德攸兮

評為平 後漢書霍諝傳前者溫教許為平議三國費

禕傳注禕設甲乙論平其是非

鏡為竟 隸續載鏡銘曰騶氏作竟四夷服

麤為狸 周禮鼈人凡狸物注自狸藏伏於泥中者

膾為會 詩大雅大明其會如林說文作膾

撥為發 詩長發元王桓撥釋文韓詩作發

螿為赦 詩周頌小毖自求辛螿釋文韓說作赦

譚為覃 詩碩人譚公維私白虎通號篇作覃

圃為甫 爾雅釋地鄭有圃田左傳及圃田之北竟釋

文甫本又作圃詩車攻東有甫草韓詩作圃草

渡為度 漢書賈誼傳是猶度江河無舟楫

攝為聶 士冠禮再醮攝酒注今文攝為聶

僭為瞽 漢書王子侯表瞽差失軌

附為付 周禮小司寇聽萬民之獄訟附于刑故書附

作付又八辟麗邦灋附刑罰故書附為付

邇為爾 儀禮燕禮君爾卿注爾近也漢楊統碑假爾

莫不隕涕繁楊令碑假爾僉服

特為字 史記平準書乘字牝者儻而不得聚漢書食

貨志作特牝

拊為付 周禮大師令奏擊拊故書拊為付鄭司農云

當為拊

舞為無 周禮鄉大夫五曰興無故書舞為無杜子春

讀無為舞

管為官 聘禮管人布幕于寢門外注古水管作官

銳為兌 史記天官書參下三星兌曰罰孟康曰上小

下大曰銳漢書天文志作兌管子小匡篇巧轉而兌

利荀子議兵篇仁人之兵兌

綏為妥士相見禮妥而後傳言注古文妥為綏

璫為綦說文引詩其弁伊璫周禮弁師注作綦

斲為麗詩大雅文王其麗不億說文斲數也

繭為爾詩小雅采薇彼爾維何說文作繭

稽為嗇詩魏風伐檀不稼不穡漢石經魯詩作嗇尙

書湯誓舍我稽事史記殷本紀作嗇

訶為喜論衡逢遇篇伍員帛喜俱事夫差

仞為刃攷工記士喪禮疏引禮緯天子之旗九刃

櫛為節儀禮士冠禮贊者奠笄纏櫛于筵南端注古

文櫛為節

鑑為監詩邶風柏舟我心匪鑿釋文單行本作監大

雅蕩殷鑒不遠劉向傳作監

鑪為盧史記司馬相如傳文君當盧食貨志古今官

作酒以二千五百石為一均率開一盧以賣

錡為奇詩豳風破斧又缺我錡釋文本或作奇

鏐為莫文選揚雄羽獵賦注引說文莫邪大戟也

程為呈史記秦始皇本紀上至以衡石量書日夜有

呈不中呈不得休息樊安碑作呈作式

胎為台釋詁元胎釋文本或作台

胎為台漢書地理志臨淮郡盱眙史記建元以來王

子侯者年表作盱台

怡為台 史記五帝本紀舜讓於德不懌徐廣曰今文

尚書作不怡太史公自序虞舜不台

趙為次 易姤其行次且說文作趙

殃為央 無極山碑來福除央隸釋云以央為殃吳仲

山碑而遭禍央嚴訢碑君獲其央

迂為于 禮記文王世子于其身以善其君注于讀為

迂論語子之迂也鄭康成作于

蕉為焦 三輔黃圖有甘焦十二本

跣為元 鄧析子無厚篇責元者以及走免

誠為成 禮記經解故衡誠縣注誠或作成

煖為炎 詩如煖如焚後漢書肅宗紀作炎

謂為胥 周禮序官注胥讀如謂說文作謂

寮為寮 祝穆後碑寮屬欽熙魏元丕碑酬咨羣寮隸

釋云以寮為寮

驄為皇 詩魯頌駟有驄有皇說文作驄

懲為徵 易損君子以懲忿窒欲釋文作徵荀子正論

篇且徵其未也注徵讀為懲詩荆舒是懲史記建元

以來侯者年表作荆荼是徵漢書溝洫志穿渠自徵

頻為卑 易頻復鄭作卑

枝為支 詩衛風芄蘭芃蘭之支說文作枝

杝為天 詩桃之夭夭說文作杝

緇為希 周禮司服祭社稷五祀則希冕注希讀為緇

儀為義 周禮大司徒以儀辨等小宗伯肆儀為位注

故書儀為義杜子春讀為儀

浮為孚 禮聘義孚尹旁達注孚讀為浮

仍為乃 司几筵凶事仍几故書仍為乃鄭司農云乃

讀為仍仍因也

游為旃 斥彭長田君碑乃始旃學武斑碑久旃太學

簿為博 論語不有博奕者乎說文簿局戲也

麓為鹿 易屯即鹿無虞虞翻曰山足稱鹿鹿林也

纁為熏 儀禮士冠禮纁裳注今文纁為熏

餘為余 周禮委人凡其余聚以待頒賜注余當為餘

縫為逢 禮玉藻縫齊倍要注縫或為逢

曆為辰 左昭七年傳日月之會是謂辰說文作曆

墉為庸 易同人乘其墉鄭作庸

厖為龙 周禮牧人凡外祭毀事用龙注故書龙作厖

嗣為司 尚書商書王司敬民史記作王嗣

輶為巢 左成十六年傳楚子登巢車以望晉軍說文

作輶

隈為畏 攷工記恒當弓之畏注畏讀如秦師入隈之

隈

倡為昌 周禮樂師教愷歌遂倡之注故書倡作昌鄭

司農云昌當為倡

房為方 商書女鳩女方史記作房

功為工 周禮肆師凡師不功注故書功為工鄭司農

云功讀為工

歌為哥 書歌永言藝文志作哥說文哥古文以為歌

字

盪為須 說文盪待也左傳寡君須矣

吳為虞 詩不吳不敖史記孝武本紀不虞不驚

縱為從 漢書王吉傳其後放縱自若

洩為攸 漢書敘傳其欲洩洩師古曰洩音滌子夏易

傳作攸攸蘇林音迪

勉為免 漢書谷永傳閔免近樂師古曰閔免猶黽勉

也

搢為晉 周禮典瑞王晉大圭鄭司農讀為搢紳之搢

攷工記廬人五分其晉圍注讀如王搢大圭之搢

滌為條 周禮條狼氏杜子春讀為滌器之滌

體為會 周禮弁師王之皮弁會五采玉璫注故書會

為膾

饗為鄉 儀禮聘禮壹食再饗注今文饗皆為鄉公食

大夫禮設洗如饗注古文饗或作鄉

顆為果 顏氏家訓書證篇三輔決錄云前隊大夫范

仲公鹽鼓蒜果共一筩果當作魏顆之顆北土通呼

物一由改為一顆蒜顆是俗間常語耳

悠為攸 詩邶風終風悠悠我思爾雅釋文樊光作攸

攸

息為旦 詩衛風氓信誓旦旦說文作息

提為是 說文引爾雅提則也今本作是

甕為將 詩周頌執競磬筦將將說文作甕

植為直 周禮小胥士植縣釋文本亦作特詩實維我

特韓詩作直郊特性首也者直也注直或為植

趣為取 史記李斯傳異趣以為高秦始皇本紀作異

取

啐為卒 大戴禮禮三本利爵之不卒也樂書作啐

嫫為原 詩姜嫫論衡竒怪篇作姜原

竿為干 詩邶風干旄子子干旄左宣九年傳引作竿

佚為失 荀子哀公篇其馬將失韓詩外傳劉向新序

雜事篇竝作佚

火地系卷二
三
鵬爲服 史記賈生列傳楚人命鵠曰服

純爲屯 左襄十八年傳執孫蒯于純留漢書地理志

上黨郡屯留縣

鏈爲連 說文鏈銅屬史記貨殖傳長沙出連錫漢書

食貨志穀以連錫

畦爲圭 說文畦田五十畝孟子圭田五十畝

劫爲去 韓非外儲說篇子罕遂劫宋君而專其政韓

詩外傳劫作去

髦爲毛 儀禮既夕記馬不齊髦注今文髦爲毛

文字證古

禰說文新埒古作昵 尙書高宗彤日典祀無豐于昵

馬融云昵考也謂禰廟也案考廟最近故謂之禰廟古

或止作爾昵從尼尼有近義故訓近以昵爲禰聲義俱

可通也呂忱字林始有禰字

祧說文新埒古作濯 周禮守祧鄭注云故書祧作濯

鄭司農濯讀爲祧案祧無本字其借濯者蓋濯從翟聲

祧亦翟之轉也玉篇有禱字云古文祧此必因濯字偏

旁篆文從示而譌耳

璞說文無古作樸 說文鋌銅鐵樸也爾雅釋器釋文

璞字又作樸 又作朴 史記范雎傳楚有和朴左昭

十六年傳杜注玉環同工共朴自共為雙案朴訓木皮璞亦玉之皮也聲義俱可借

藏說文新埶古作臧 漢書禮樂志陰入伏臧於下又臧於理官師古曰古書懷藏之字本皆作臧漢書例為臧耳律歷志該臧萬物又物終臧乃可稱武斑碑勲臧王府案臧者伏臧也臧字從臣者伏也是臧有伏誼孫叔敖孔耽神祠碑有藏字

芭說文無古作巴 漢書司馬相如傳諸柘巴且文穎曰巴且一名芭蕉案艸木之名每多聲借後人輒加艸木旁此陸德明所以有艸類皆從兩中之譏

菖說文無古作昌 漢書司馬相如傳穹窮昌蒲

蘅說文無古作衡 漢書司馬相如傳其東則有蕙圃

衡蘭

遑說文新埶古作皇 漢書律麻志秦兼天下未皇暇也儒林傳亦未皇庠序之事也師古曰皇暇也哀帝紀未皇甯息周憬功勲銘懽寒慄兮不皇計呂氏春秋先己篇督聽則姦塞不皇高注皇暇也

遐說文新埶古作假 漢書禮樂志假狄合處師古曰

假即遐字楊統碑假爾莫不隕涕儼陽令楊君碑假爾

僉服武斑碑商周假藐 又作瑕 詩邶風泉水不瑕

有害毛傳遠也小雅隰桑遐不謂矣禮記表記引作瑕
案走彳誼通辵部之延返亦從彳旁彳部之往復可加
辵字遐假亦此例平都相蔣君碑復民租碑魯峻碑費
鳳別碑北海相景君碑有遐字

齡說文新附古作零 斥彰長田君碑身没名立永載
萬零隸續曰以零爲齡 又作輪 樊毅修華嶽碑亟
曜畜輪縣陽令楊君碑俾延僖輪魯峻碑有齡字

趾說文無古作止 儀禮士昏禮北止鄭注止足也古
文止作趾漢書禮樂志爰五止師古曰止足也食貨志
引詩曰四之日舉止易噬嗑履校滅止釋文本亦作趾

案止本趾之正字故屣距字皆從止不必更增足旁
嘲說文新附古作啁 漢書東方朔傳俱在左右恢啁
而已師古曰啁與嘲同音竹交反案或作言旁嘲玉篇
有嘲字

認說文無古作仞 漢書儒林傳喜因不冝仞淮南人
聞訓非其事者勿仞也又仞人之事者敗皆借仞玉篇
有認字

韻說文新附古作均 鵠冠子五聲不同均其可喜一
也文選成公綏嘯賦音均不恒曲無定制李善注均古
韻字

鞘說文新坳古作削 漢書貨殖傳質氏以酒削而鼎
食師古曰削謂刀劍室也眾經音義引倉頡篇削盛刀
者也思誦反

眸說文新坳古作牟 荀子非相篇堯舜參牟子注牟
與眸同

臚說文無古作盧 漢書楊雄傳玉女無所眺其清盧
兮

孛說文無古作爰 孟子野有餓莩說文莩艸也此借
用漢書食貨志贊野有餓莩而不知發鄭氏曰莩音菓
有梅之菓零落也然說文亦無莩字莩當為爰說文爰

物落上下相付也讀若標有梅鄭德漢書注必本是說
後人加艸作莩耳玉篇有莩字云落也正作爰

脫說文無古作光 說文脬膀光也淮南說林訓旁光
不升俎

脰說文無古作挺 儀禮士虞禮脯四脰注古文脰為
挺又鄉飲酒禮薦脯五挺案脯乃乾肉其形挺然不必
從肉

臙說文無古作臙 漢書藝文志經方有客疾五臙顛
狂病方十七卷又王吉傳吸新吐故以練臙師古曰臙
五臙也案古臙字本作臙心肝脾肺腎五者皆臙于內

故謂之臧不必加肉
篋說文新坳古作比
史記索隱引倉頡篇麤者為梳
密者為比急就篇鏡簌疏比各異工注櫛之小而細所
以太蟻蝨者謂之比說文櫛梳比之總名也釋名比言
細相比也案比者密也以其齒密故謂之比不必作篋
玉篇有篋字

篋說文無古作匱
漢書禮樂志引論語未成一匱今
本論語作篋案匱者受物之器故匱從之不必從竹
簿說文無古作薄
漢郃陽令曹全碑諸國禮遺且二
百萬悉以薄官又云主薄王厯案隸書艸竹無別如苔

苻之類譌艸為竹箸字誤竹為艸

榘說文無古作畱
文選張衡南都賦榘棗若畱

榘說文新坳古作讞
左宣十六年傳宣榘火公羊傳

作謝襄三十一年傳無觀臺榘釋文音歟本亦作讞禮

記禮運以為臺榘官室牖戶釋文榘本亦作謝荀子王

霸篇臺讞甚高楊注與榘同呂氏春秋聽言篇侈其臺

謝苑囿

櫻說文新坳古作鶯
呂氏春秋仲夏紀羞以含桃高

注鶯鳥所含食故言含桃說文無鶯集韻鶯或作鶯知

古作鶯

權說文新附古作濯 漢書百官公卿表上林苑有輯

濯令丞師古曰輯與楫同濯集孝反皆所以行船也元

后傳輯濯越歌案權濯聲近從水誼通

梵說文新附古作芄 隸釋云街彈碑梵梵黍稷以梵

芄為芄芄

暈說文新附古作輝 周禮眠祲掌十輝之法釋文輝

音運 又作運 淮南覽冥訓畫隨灰而月運闕 又

作暉 錢詹事說北齊張景暉造像記景暉亦作景暈

可徵暈暉本是一字

幟說文新附古作織 公羊莊三十一年傳旗獲而過

我也何休注旗軍幟名釋文幟本又作織同漢書食貨

志治樓船十餘丈旗織加其上 又作識志 漢書高

帝紀注師古曰幟幟也史家字或作識或作志音義皆

同

帑說文新附古作奔 逸周書王會解墀上張赤奔陰

羽孔晁注奔帳也

低說文新附古作氏 漢書食貨志封君皆氏首印給

焉師古曰氏首猶俯首也又其價氏賤減平者聽民自

相與市

焦說文無古作焦 說文南方有焦僂人長三尺短之

極

倅說文新坳古作倅 禮記燕義庶子官職諸侯卿大

夫士之庶子之卒鄭注卒讀為倅 又作萃 周禮車

僕掌戎路之萃鄭注萃猶副也

倅說文新坳古作倅 漢書禮樂志倅儻精權奇史記

封禪書倅黨窮變

儻說文新坳古作黨 史記封禪書倅黨窮變漢書儒

林傳黨焦延壽獨得隱士之說注師古曰黨讀曰儻于

定國傳咎黨在是乎

侏說文無古作侏 漢書刑法志師朱儒東方朔傳給

騶朱儒

佯說文無古作陽 漢書東方朔傳箕子被髮陽狂

債說文新坳古作責 史記高帝紀歲竟此兩家常折

券棄責漢書食貨志於是賣田宅鬻子孫以償責者

矣

侑說文新坳古作溢 漢書禮樂志千童羅舞成八溢

師古曰溢與侑同

躡說文無古作躡 漢書地理志女子彈絃跕躡如涓

曰躡音躡師古曰躡字與躡同呂氏春秋長見篇視釋

天下若釋躡 又作鞞 毛居正六書正譌鞞從革尪

聲別作屨非

屨說文新附古作婁 禮記禮運孔子婁歎之釋文本
又作屨漢書食貨志然婁敝有司以農為務師古曰婁
古屨字也藝文志及至哀丑解於齋戒而婁煩卜筮師
古曰婁讀曰屨
飲說文新附古作俞 漢書禮樂志巴俞鼓員三十六
人 又作渝 徐鉉曰案史記渝水之人善歌舞漢高
祖采其聲
顛說文無古作權 漢書高帝紀隆準注準頰權準也
文選曹植洛神賦屬輔承權

崢說文無古作晴

文選宋玉高唐賦俯仰晴嶸白石

神君碑有崢字

嶺說文新附古作領

漢書溝洫志東至山領十餘里

閒又開大河上領晉灼曰上領山頭也嚴助傳輿轎而
踰領項昭曰領山領也地理志禹貢雒水出豕領山水
經作豕嶺

嶰說文無古作解

漢書律歷志自大夏之西昆侖之

陰取竹之解谷

廂說文新附古作箱

儀禮公食大夫禮公揖退于箱

覲禮視于東箱漢書鼂錯傳趨避東箱楊敞傳敞夫人

遽從東箱周昌傳吕后側耳於東箱聽師古曰正寢之東西室皆曰箱言似箱篋之形東方朔傳起之東箱廊說文新附古作郎逸周書作雒解咸有四阿反玷重亢重郎注重郎累屋也漢書董仲舒傳游於巖郎之上晉灼曰堂邊廡巖郎謂巖峻之郎也東方朔傳今陛下累郎臺師古曰郎堂下周屋韓勅後碑庫室中郎隸釋云以郎為廊曹全碑有廊字廡說文新附古作夏詩秦風權輿夏屋渠渠漢書楊雄傳於是大夏雲譎波詭

廡說文無古作敖水經沔水篇漢水又東歷敖頭廡

道元注舊立倉儲之所廡說文新附古作祈江聲說攷工記祈沈釋文祈音

九委反即爾雅祭山曰廡縣之廡也

礚說文新附古作踏左隱三年傳石礚石經作踏

炬說文無古作苴後漢書皇甫嵩傳束苴乘城

燦說文新附古作粲詩唐風角枕粲兮漢書楊雄傳

粲以成章

孰說文無古作孰禮記禮運然後飯腥而苴孰漢書

食貨志是故善平糴者必謹觀歲有上中下孰嚴安傳

五穀蕃孰

懇說文新附古作狠 漢書劉向傳故狠狠數好死亡

之誅 懌說文新附古作釋 書顧命王不懌釋文云馬本作

懌 懌說文新附古作懌 懌說文云馬本作

不釋

懌說文無古作齋 錢詹事說懌為舍人注爾雅云懌

怒聲據楚詞信讒齋怒之文則懌當為齋

懌說文無古作感 左隱三年傳降而不懌釋文本又

作感同昭十一年傳唯蔡於感釋文感戶暗反禮記中

庸天地之大也人猶有所懌釋文本又作感胡暗反恨

也漢書張安世傳何感而上書歸衛將軍富平侯印師

古曰感恨也音胡闇反

潔說文新附古作絜 詩序白華孝子之絜白也小雅

楚茨絜爾牛羊禮記絜靜精微易教也易說卦傳齊也

者言萬物之絜齊也左桓六年傳絜粢豐盛論語人潔

己以進石經作絜漢書律厯志姑洗洗絜也言陽氣洗

物辜絜之也高帝紀及擇寬惠修絜者呂氏春秋尊師

篇臨飲食必蠲絜

洲說文無古作州 漢書地理志自合浦徐聞南入海

得大州東西南北方千里

霸說文無古作霸 漢書高帝紀沛公至霸上師古曰

霸水上故曰霸上地理志霸水古曰茲水秦穆公更名以章霸功

滌說文新附古作豬作都書禹貢大野既豬史記作

都

泯說文新附古作泯又周禮小宗伯王崩大肆以秬鬯

泯注杜子春讀泯為泯

霞說文新附古作瑕漢書楊雄傳喻清雲之流瑕師

古曰瑕謂日旁赤氣也文選甘泉賦李善注霞與瑕古

字通又作蝦史記天官書雷電蝦虹

閱說文新附古作伐漢書車千秋傳無伐閱功勞

閱說文新附古作伉作亢詩大雅縣臬門有伉釋文

韓詩作閱本又作亢

抹說文無古作末漢書谷永傳末殺災異師古曰末

殺掃滅

擒說文無古作禽左傳二十一年傳不禽二毛史記

五帝紀遂禽殺蚩尤漢書高帝紀此所以為我禽也漢

書刑法志皆禽敵立勝校官碑禽姦堯滑易師田有禽

徐本作擒呂氏春秋簡選篇遂禽移犧順民篇禽夫差

捌說文新附古作拔急就篇摺獲秉把甬捌杷王應

麟補注碑本插捌作甬拔

蟻說文無古作蔑漢書楊雄傳浮蔑蠖而撒天

螢說文無古作熒爾雅釋蟲熒火即炤釋文本作螢

後漢書靈帝紀帝與陳留王夜步逐熒火行數里

游說文無古作游淮南子詮言訓浮游不過三日高

誘注浮游渠略也又覽冥訓浮游不知所求

墩說文無古作敦爾雅釋邱郭注今江東呼地高堆

者為敦

場說文新增古作易漢書禮樂志吾易久遠晉灼曰

易疆易也食貨志殖於疆易荀子富國篇至于疆易楊

倬注易與場同楊統碑疆易不爭魏呂君碑疆易失守

堰說文無古作偃周禮獻人鄭注梁水偃也

塘說文新增古作唐說文隄唐也四聲本如是汲古閣本已改為塘

逸周書作雒解隄唐呂氏春秋尊師篇治唐圃注唐隄

以壅水

塗說文新增古作涂周禮遂人溝上有涂司險設國

之五溝五涂攷工記經涂九軌漢書禮樂志大朱涂廣

師古曰涂道路也釋名涂度也人所由得通度也漢周

憬碑行旅語于涂邾令景君闕銘假涂邾口魏大饗碑

陳兵清涂張平子碑垂名于一涂史晨後碑李翊夫人

碑有塗字

壅說文無古作誰 漢書溝洫志治水有決河深川而

無隄防雍塞之文師古曰讀曰壅又雍防百川

境說文新附古作竟 公羊隱二年釋文踰竟音境今

本多即作境字更不音漢郃陽令曹全碑世宗廟土斥

竟

銘說文新附古作名 春官小祝設熬置銘鄭注銘今

書或作名儀禮既夕禮取銘置于重鄭注今文銘皆作

名

鎖說文新附古作瑣 說文銀鎰瑣也鉞大瑣也

鑑說文無古作溢 禮喪大記朝一溢米莫一溢米鄭

注二十兩為一溢戰國策黃金萬溢高誘注同荀子儒

效篇有人於此屑然藏千溢之寶韓非子五蠹篇鑠金

千溢漢書食貨志黃金以溢為名上幣孟康曰二十兩

為溢文選阮籍詠懷詩黃金百溢盡

轍說文新附古作徹 攷工記徹廣六尺高長六尺漢

書文帝紀結徹于道 又作軼 莊子人間世螳螂怒

臂以當車軼釋文音徹戰國策車軼之所至史記文帝

紀結軼于道

采說文新附古作采 書堯典鬲咨若予采馬融曰采

官也漢書刑法志師古注采官也爾雅曰采寮官也今

本爾雅作案

賦說文新坳古作況 漢書禮樂志天地並況師古曰

況賜也又曰太乙況天馬下

贄說文無古作摯 周禮大宗伯以禽作六摯禮記曲

禮凡摯天子鬯儀禮士相見禮贄冬用雉釋文本又作

摯

贍說文新坳古作澹 荀子王制篇物不能澹則必爭

楊倞注澹讀為贍漢書食貨志猶未足以澹其欲也師

古曰澹古贍字又見司馬相如司馬遷等傳鹽鐵論飢

寒于邊將何以澹之

賻說文新坳古作傅 周禮小行人若國札喪令賻補

之鄭注故書賻作傅

賽說文新坳古作塞 漢書郊祀志冬塞禱祠

贖說文無古作贄作進 漢書高帝紀蕭何為主吏主

進師古曰進者會禮之財也字本作贄又作贖

贓說文無古作臧 漢書景帝紀皆坐臧為盜沒入臧

縣官食貨志有司請令民得買爵及贖禁錮免臧罪又

見薛宣傳

瘡說文無古作創 禮記曲禮有創則沐 史記封禪書成山斗入海索隱謂

陡說文無古作斗

斗絕曲入海也

詎說文新埶古作巨漢書高帝紀公巨能入乎師古
曰巨讀曰詎詎猶豈也

嫠說文新埶古作釐韓詩外傳鄰之釐婦漢書西羌

傳兄亡則納其釐嫂

妙說文無古作眇漢書藝文志樂尤微眇以音律為

節師古曰眇亦讀曰妙儒林傳嚴然總五經之眇論師

古曰眇讀曰妙律歷志究其微眇急就篇秦妙房王應

麟補注妙一作眇

挖說文無古作槩文選曹植詩承露挖太清李善注

挖摩也與槩同

甌說文無古作廡儀禮士虞禮尊兩甌于廟門外之

右少南鄭注古文甌為廡

驩說文無古作華漢書地理志得華駟綠耳之乘

援說文無古作媛漢書揚雄傳媛狷擬而不敢下淮

南說山訓楚王有白媛王自射之則搏矢而熙說林訓

媛抗之捷來乍爾雅釋獸猱媛善媛 又作爰 漢書

李廣傳為人長爰臂如涓日臂如媛臂通肩也

磁說文無古作慈漢書藝文志猶慈石取鐵淮南說

山訓慈石能引鐵

穉說文無古作離 詩王風兔爰逢此百穉釋文本亦作離

拋說文新坳古作抱 史記三代世表抱之山中注音普茅反

鬣說文無古作橫 後漢書鮑永傳乃修起橫舍注橫學也又作鬣朱浮傳造立橫舍

旄說文無古作柅 漢書楊雄傳乘雲蜺之旄柅兮又曰夫何旃旄邳偈之旄柅也

紗說文無古作沙 周禮內司服辨內外命婦之服鞠衣展衣緣衣素沙案沙之爲言疏也

辨說文新坳古作辦 攷工記或審曲面執以飭五材以辨民器鄭注辨猶具也釋文辨皮莧反具也戴震攷工記圖辨辦古今字易剝牀以辨徐音辨具之辨儀禮特牲饋食禮宗人告有司具注具猶辨也案辨辦本一字耳隸變勿或作刀或作巾而刀又譌爲力遂以辨爲辨論之辨以辨爲辨具之辨大謬

售說文無古作讎 史記高祖紀每酤畱飲酒讎數倍索隱曰樂彥云借讎爲售蓋古字少段借耳漢書食貨志周有泉府之官收不讎與欲得師古曰讎讀曰售又云周於民用而不讎者

艘說文無古作梭 說文梭船總名也漢書溝洫志發
河南以東漕船五百梭案梭本艘之正字刻本爲舟故
梭機等字從木

逍遙說文新坵古作消搖 詩鄭風清人河上乎逍遙
釋文本又作消搖禮記檀弓消搖于門楚詞離騷消搖
以相羊莊子逍遙遊釋文一作消搖漢書司馬相如傳
消搖乎襄羊文選同

瑋瑁說文無古作毒冒 漢書地理志粵處近海多犀
象毒冒珠璣銀銅果布之湊

徘徊說文無古作裴回 漢書禮樂志神裴回若畱放

崐崙說文無古作昆侖 漢書禮樂志溝洫志律歷志

揚雄傳張騫傳俱作昆侖張休崕涖銘宜乎昆侖 又

作混淪 周禮大司樂釋文崑崙本作混淪

芙蓉說文新坵古作夫容 漢書司馬相如傳外發夫

容楊雄傳被夫容之朱裳

苜蓿說文無古作目宿 說文芸艸也似目宿漢書西

域傳大宛國馬者目宿又罽賓有目宿雜艸

磅礴說文無古作旁魄 文選左思吳都賦旁魄而論

都

崕峒說文無古作空同 逸周書王會解正北空同莊

子在有篇聞廣成子在於空同之上漢書武帝紀遂踰隴登空同 又作空桐 爾雅釋地北戴斗極爲空桐史記五帝紀黃帝西至於空桐漢書武帝紀西登空桐又幸甘泉空桐

蜿蜒說文無古作宛延 文選楊雄甘泉賦颺翠氣之

宛延 又作寃延 漢書楊雄傳作寃延 又作宛蟪

說文蟪宛蟪也文選王延壽魯靈光殿賦虬龍騰驤

以宛蟪

玻璃說文無古作頗黎 郭璞元中記大秦國有五色

頗黎

徜徉說文無古作常羊 漢書禮樂志幡比玃回集貳

雙飛常羊又周流常羊思所并

瑪瑙說文無古作馬腦 御覽引魏文帝馬腦勒賦曰

馬腦玉屬也出自西域文理交錯有似馬腦故其方人

因以名之案腦本作腦隸變爲腦

琉璃說文無古作流離 漢書地理志入海市明珠璧

流離奇石異物西域傳罽賓國出流離

輶輶說文無古作鹿盧 禮記喪大記鄭注以紼繞碑

閒之鹿盧輶車而下之

說文後人所加

說文却琅邪縣一名純德按漢書地理志却莽曰純德
但王莽所取郡縣名說文例皆不取此四字是後人所
加

激水入城父

說文激水出南陽魯陽入城父按當作入父城水經汝
水注引說文云入父城是其證也父城屬潁川郡城父
屬沛郡水經注先言汝水逕邳縣故城激水注之夫邳
既屬潁則激水所入亦必爲潁川之父城而非沛郡之
城父明矣

說文從熒字

說文營榮榮榮熒熒瑩瑩熒熒營營瑩瑩一十
七字皆當從熒省聲今井部之榮云从瑩省聲夂部之
熒云从營省目部之營鳥部之營云从榮省似皆後人
所亂

燿烜

說文燿取火於日官名舉火曰燿周禮曰司燿掌行火
之政令从火霍聲或从叵作烜江徵士聲曰周禮司燿
掌行火之政令屬夏官司烜氏掌以夫遂取明火於日
屬秋官許君何至牽溷若是說文燿字下必云舉火曰
燿周禮曰司燿掌行火之政令從火霍聲烜字下必云

取火於日官名从火亘聲後來轉寫舛錯脫去烜字而以烜下之注并於燿字之下校書者因又妄增或从亘三字

塙

說文垣籀文作𡗗堵籀文作𡗗城籀文作𡗗隄籀文作𡗗蓋古城郭字作𡗗而今說文塙之古文單作𡗗者當是𡗗字脫去右半也

詒

說文詒相欺語也然自史漢而下皆用糸旁給字說文給絲勞也與詒字異義惟列子黃帝篇既而狎侮欺詒

仲尼篇吾笑龍之詒孔穿猶存言旁本字

它

它與也二字形既不同聲亦不一然篆形相似古音相轉後來未免混淆如詒之爲池沱之爲池佗之爲他此皆當从它而今易从也非也池之爲沱當從也而今易从它亦非也段氏玉裁六書音均表於第十七部歌麻韻內謂池字也聲在此部今入支殆忘說文之無池字也然段氏謂也聲亦入歌戈韻猶未的確蓋也字音近毆而從也之字若地爲錫之重文髭爲鬚之重文易聲在五寘弛重文作𡗗𡗗聲在五支地籀文作𡗗漢碑及

漢書皆用籀文隆字乃从阜从土豕聲說文豕讀若弟豕聲在十二霽漢書丙吉傳西曹地忍之借地爲弟明古地弟同聲弟聲在霽皆不得入歌戈韻也由斯例之則也聲當入支韻無疑矣毛詩如鄘風柏舟之死矢靡他他當作佗與河儀叶小雅小旻六章頍弁首章漸漸之石三章同陳風東門之池篇首句亦當作沱小雅無羊二章大雅皇矣六章同然亦有從也之字與歌戈韻叶者若邶風新臺得此戚施施與離叶王風邱中有麻首章將其來施施與麻嗟叶小雅車攻六章不失其馳與駕猗破叶大雅卷阿十章亦同小雅小弁六章析薪

柅矣與倚佗叶离聲麻聲差聲加聲奇聲皮聲它聲皆歌戈韻此蓋轉音而非正音也如尙書禹貢之青黎漢書地理志作青驪左成十八年傳匠麗氏大戴禮保傳篇作匠黎麗聲歌戈麻韻黎聲齊韻也詩小雅四牡周道倭遲文選注引韓詩作周道威夷卽委蛇也遲聲夷聲脂韻蛇聲戈歌韻凡此可以類推

氏氏

氏與氏兩字也而形聲相近每易致誤从氏之字祇

有祇有祇祇訓神祇祇訓敬易祇既平說文作禋无祇悔王肅作禋案古是與氏通凡從氏之字或亦從多如左傳祇見疏也卽論語之多見其不知量也又如爾雅祇祇漢書孟康注作侈說文女部侈重文作媯是凡與

也蹙又與縮通儀禮大射禮鄉射禮注古文縮皆爲蹙
春秋衛大夫孫林父封邑左傳作戚史記衛世家吳世
家皆作宿呂氏春秋遇合篇縮額而食之縮額卽孟子
之蹙額也戚又與蹴通新序作靈公蹴然易容

亶單善塵旦丹字通

周禮大司馬暴內陵外則壇之注壇讀如同墀之墀鄭
司農云壇讀從憚之以威之憚儀禮士冠禮嘉亶時注
古文亶爲瘳史記鄭世家厲公突因櫟人殺其大夫單
伯左傳作檀伯呂氏春秋具備篇宓子賤治亶父淮南
秦族訓密子治亶父呂覽察賢篇說苑政理篇又作治

單父漢書地理志山陽郡有亶父書盤庚誥告用亶釋
文馬本亶作單此亶單相通之證周禮載師以塵里任
國中之地注故書塵或作壇鄭司農云壇讀爲塵說文
鷗籀文作鷗此塵亶相通之證周禮塵人凡珍異之有
滯者注故書滯或作塵泉府貨之滯於民用者注故書
滯爲痺此塵單相通之證儀禮既夕記載檀注古文檀
爲膳聘禮使者載檀注古文檀皆爲膳此亶善相通之
證攷工記矢人句兵欲無彈注故書彈或作但說文引
作憚又矢人亦弗之能憚矣注故書憚或作但史記呂
后紀爲劉氏左檀檀卽但賈誼傳非亶倒垂而已亶卽

